



Centar za zastupanje  
građanskih interesa

**Dodatno pismo nije nevažno jer u njemu preuzimamo 6 novih strukturalnih obaveza – U prvom pregleda stand by aranžmana se spekuliše sa isplatom dividendi Elektroprenosa – Pozivamo institucije i organe vlasti da bitne odluke pravovremeno učine dostupnim građanima**

Pozdravljamo izjavu rezidentnog predstavnika MMF u BiH g. Cuca u kojoj je potvrdio postojanje Dodatnog pisma koje su vlasti u BiH poslale MMF-u. S druge strane ne bismo ocijenili da je ovakvo pismo nevažno i rutinsko. Naime, u Dodatnom pismo Fiskalno vijeće BiH je predložilo 6 novih strukturalnih obaveza BiH. Radi se o sljedećim novim obavezama:

- 1) Izmijeniti zakone u RS kako bi se eliminisala zaštita neto plata zaposlenih u javnom sektoru;
- 2) Usvojiti novi Zakon o privilegovanim penzijama u Federaciji u skladu s preporukama osoblja MMF-a;
- 3) Potpisati Memorandum o razumijevanju između Ministarstva finansija i trezora BiH; Ministarstva finansija Federacije i Ministarstva finansija RS i Centralne banke, kojim bi se regulisale isplate i servisiranje obaveza prema MMF-u;
- 4) Usvojiti novi Zakon o budžetu Federacije kojim bi se poboljšalo izvještavanje i kontrola nad nižim nivoima vlasti, vanbudžetskim fondovima i javnim preduzećima;
- 5) Potpisati zajednički Memorandum o razumijevanju između poreskih uprava entiteta i uprave za indirektno oporezivanje o razmjeni podataka;
- 6) Uspostaviti registraciju preduzeća “s jednim zaustavljanjem” u RS.

Također, zabrinuti smo jer se u prvom pregledu stand by aranžmana MMF-a iz decembra 2012. između ostalog kaže da je brža fiskalna konsolidacija omogućena „jednokratnom isplatom dividende Elektroprenosa“, a u članu 9. Dopune tehničkog memoranduma o razumijevanju stoji da će „iznos neto posuđenog novca biti smanjen za iznos manjka predviđenih isplata dividendi Elektroprenosa“, što nam ukazuje na to da se s dobiti ovog javnog preduzeća već odavno namjeravaju zakrpati budžetske rupe i to bez znanja građana BiH. Smatramo da bi ovaj novac mnogo bolje bio iskorišten ukoliko bi se investirao u podizanje energetske efikasnosti u BiH.

Na kraju želimo pozvati institucije i organe vlasti u BiH, da sve dokumente značajne za medije i građane pravovremeno objavljuju na svojim internetskim stranicama, na našem jeziku, kako bi građani bili upoznati sa odlukama koje se donose i obavezama koje se preuzimaju u njihovo ime.

*Za dodatne informacije molimo kontaktirajte našu saradnicu Amru Bilalović, mob br 061 683 032, ili na email: amra@cpi.ba.*

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.